

1. UVOD

1.1 Problem i predmet istraživanja

U današnjim uslovim računovodstvo sve više dobija na značaju. Upravljanje je nemoguće bez kvalitetnih informacija iz računovodstva koje i jeste jezik poslovanja. Svi koji učestvuju u poslovnom procesu moraju razumjeti taj jezik i moraju znati čitati finansijske izvještaje i poznavati logiku računovodstvenog evidentiranja.

1.2 Radna hipoteza

Osnovna hipoteza ovog rada glasi: Analiza finansijskih izvještaja pomoću ekonomskih pokazatelja nudi dobru informacionu podlogu za donosiocce odluka.

1.3 Cilj istraživanja

Analiza finansijskih izvještaja je proces u kojem se primjenjuje različita analitička sredstva i tehnike pomoću kojih se podaci iz finansijskih izvještaja pretvaraju u upotrebljive informacije značajne za upravljanje poslovanjem i razvojem preduzeća. Analiza prethodi procesu planiranja koja čini sastavni dio upravljanja, a „planiranje je ključ uspjeha finansijskog menadžera“.¹

Ovaj rad je orijentisan na razmatranje pojma i značaja analize, vrsta i instrumenata analize preduzeća. Analizom finansijskog izvještaja utvrđuje se finansijski položaj preduzeća i primjena informacija iz računovodstva u svim poslovnim situacijama. Analiza finansijskih izvještaja teži pogledu u budućnost. Naglašava sigurnost i efikasnost poslovanja. Stoga, osnovni cilj rada je utvrditi pouzdanost analize pomoću pokazatelja.

1.4 Metodologija rada

Metode koje su se koristile u istraživanju su uobičajene za oblast računovodstva, ekonomskih nauka i poslovnih finansija. Korištene su: deduktivna metoda, induktivna metoda, istorijski metod kad su podaci korišteni iz sekundarnih izvora, gdje stoje informacije o prošlim i sadašnjim stanjima i kretanjima pojava, metod analize i sinteze, normativni metod, dokazivanja i opovrgavanja, deskripcije i dr.

1.5 Struktura rada

Materija koja je obuhvaćena u ovom materijalu podijeljena je u tri dijela:

Prvi dio – Uvod u analizu finansijskih izvještaja

Drugi dio – Instrumenti analize

Treći dio – Praktični primjeri analize finansijskih izvještaja

¹ Weston, J.F. Managerial Finance, fourth edition, Holt, London 1973.strana 17.